

松
圓
浪
淘
集

松圓浪淘集卷下目錄

雪江卷十五 凡四十七首

人日次李茂初韻却寄

張季脩新年北上謁選走筆送別

訪孔雀菴蘊暉師不遇

由廣陵過江訪姚允初先生感舊

過閔老喫茶作

再集姚丈鷺羣閣

雪中方求仲載酒出詩就訪道故

養生引

二月十三遊陽山宿文殊寺

次日遊西白龍廟觀古栢題壁

送葛山人柰山訪省公

四月初一日孫氏女佛容舉外孫喜書二絕

同方季康栖虎丘鐵佛房卽事

虎丘覽古

蔣仲雄衡伯泛舟邀遊上方先飯一雨師
菴中晚歸同彛仲卽事

亭上送唐兄感舊

題畫

聞等慈師在拂水有寄

題畫扇半塘雨歸

題扇送季康

送唐兄

雨中別等慈師拂水山房寄懷一首

虎丘僧房夏夜試茶歌

隱峯師東軒同蓮居師兄茶話

隱峯菴主五十

東鄭彥逸索酒二絕

八月中秋示鮑甥將赴揚州

八月過適齋畱宿

琴琴亭作

張魯生家題畫

長蘅吹閣畫隼先嶺

戴元瑞載酒過塾巾樓

季明孺書來有詩訊于及聞上人將之晉

藩幕

洗破硯試姚玄倩筆

出郊看紅樹懷孟先

過唐子厚郊居同君朗諸弟

東菴夜歸作霜月寒林

送劉廣文之黃州

戲贈吳興茅生歌

壽吳光啓母夫人

壽張子石母夫人

壽殷四丈紹芳

寒夜曹吉甫同克勤集別

顧生行

吳裝卷十六

凡一百有七首

丁巳元日東林軒和子柔作

書去春畫鐘陵霽雪

寄懷白下姚允初先生

正月八日亡妹忌日感述

題扇

將市藥吳門李茂初攜詩邀看梅止余樓

中次韻酬荅

春夜畱葛實甫歌

次子柔送行韻

疊韻畱別隱峯長老兼東聞繹

悼翁昭叔

題畫二絕

將市藥閭門茂初攜詩見訪畱宿墊巾樓
依韻奉和

二月廿九日風雨出鹽鐵塘過曹穉躬宅
觀仲山父鼎及古畫張燈至夜分卽事
三月三日泊虞山下步尋等慈師不遇
閭門廡隱居題畫

題江沙落木

繆太質移居閭門招飲作

題閔青芝先輩畫像歌

重過虞山塔院蘭公詒舊

六月積雨不能赴鐵山喫楊梅燈下題畫
寄懷一雨師

戲題畫遺起田

六月十六忽病頭風過陸比部郊居
拂水山房立秋夜同錢受之作

和比玉賦遊魚啖花影

九日次比玉韻

雨中公路以詩招比玉及余出飲夜歸次

韻東荅

又和公路聽雨之作

題春前畫邗江柳示比玉

九月廿四日生朝閑孟無際彥浹公樸諸
君釀飲墊巾樓中呈比玉索和

題醉中墨竹

十月十八日同閑孟無際彥逸泊舟程橋
由吾谷看楓葉上維摩至望海亭憩拂水
崖夜宿山房遲等慈師

冬日獨遊東臯草堂東達觀兄

丁巳十一月十八夜枕上占句送比玉都
無倫次畧數東坡上巳日詩要使別後歌
之聊存陳迹正不必詮敘耳

聞歌引題畫新桺贈歌叟徐四

除夕

雪中孟先走人邀看雪病不能出東荅
雪後立春酬茂初見訪

同長蘅回舟對雨

題扇寄沈雨若歌者

張老挽詩

雨中宿錢受之館惜別

題畫扇送石甫之淮陰

題扇寄孫士徵

廣陵道中喜值汪汝澤同石甫淮陰來話

舊惜別

雨泊下關東平仲栖霞山

過滁州方伯雨兄學舍二首

感道傍枯柳

傷寧陵喬給事

由棗澤廣武山下渡河登太行馬上先寄

方叔明府

中秋夜風雨送長卿歸新安

又絕句

十月廿八夜寄懷宋比玉

十一月雪夜得伯雨兄書

喜族豫瞻得解

立春日追和雪後酬友人韻

寄汪無際兼呈長蘅

汪僑孫酒閒道故燈下有作依韻口號

己未元日試筆

元夕

送汪僑孫

題墨竹寄方民表丈

客愁

四月廿五日示迪兒

憶昨

題墨花蝴蝶

夜飲刁氏洛酒戲詠

送求仲

月

題煙嵐小幅寄比玉

寄懷鮑谿父

述懷酬別瑞卿兼示谿父

九月旣望次瑞卿惜別詩

冬至月下卽事

除夕前一日迎春戲題

人日

示兒

署中西牆偶因積壤成臺在春初秋夕夢

中詠詩遂續成十二韻

悼景先二弟

除夕大雪題畫與德公

立春日署中卽事

送德公

贈劉浚元文學

咏雪菊

夢後懷墊巾樓

風夜獨酌有懷

懷東臯

懷拂水故居

次茂初見懷東荅三首

春雪

桃樹下作

東陸羽明

聞鶯

白門姚允初先生要賦市隱園詩率爾寄

懷兼期繪圖

時命

端午感事

劉浚元載酒六潤堂卽事

陪劉文學餞飲一首

劉去非將赴秋試惜別

得家書後畫藁竹偶書

畫枯木怪石次比玉除夕詩韻

愁霖東懷劉浚元文學父子

揚州方季康館同張伯美孫養甫鄭淑民

舍弟仲防仲扶惜別

易水卷十七 凡三十六首

過易水懷古

除夕踏雪看松

雪中浮白齋觀伎

卽事

和韻送鮑存叔

和韻送蘇子後

雪中追送友人天寧寺不及題畫與吳巽之惜別

清和十二日走筆送魏仲雪之南京虞部兼柬莆田宋比玉

五月七日同劉去非牛貞孺攜榼湖邊坐雨卽事用去年載酒六澗堂詩韻

投潮音寺寶藏禪師宿

疊韻送同邑趙玄錫歸省兼呈所親

題風竹畫扇

送牛貞孺歸上黨

七夕同受之坐雨偶吮墨作中峯夜雨因
憶拂水山居舊事漫書口號三首

題扇

枚淚一首送廕子錦承張齊方紀入蜀訪
烈愍遺殖

送歸春陽太僕南還兼柬所知

十一月廿四題扇與平仲話舊

次韻喜荅葛震甫

贈蒲州楊生歌

送顧勲衛所建承譴赴太倉

題畫送方子玄兼懷尚湖太史

題畫松圖山居示敬之弟三絕

伏日廬鄰虛餽餅東謝

九月廿日送殷夷節東吳之僑孫

送劉浚元歸上黨

同江似孫賦呈給諫方石兄

荅江似孫謝遺錦衾

和韻荅葛震甫送行

江似孫赴朝鮮毛帥幕府感賦

仲冬同周虞卿葛震甫郭聖胎恒光牧隱
二上人石鐙菴話別用三字

嘗甘卷十八 凡五十一首

甲子元夕南宿州驛舍嘗甘漫題

姑孰道中見梅花

早起東謝一樹菴僧送茶

過方若壑家飲家釀卽席賦呈

正月十八日同仲和侯園看梅因期同出
西郭卽事

子魚東園看辛夷同叔達兄用杜韻
三月三日雨中又同用前韻

和喜雨

八月十五侯服長邀泛舟觀伎卽事
策策軒看桂花用杜韻

疇簪吟

弔繆太質

春暮水邊觀伎作

荆溪訪蔣澤畧作

憶昨東于昭遠

和錢受之勸酒

再疊前韻和受之失子

送侯豫瞻謁選

陳省公七十贈詩

蘭亭家叔六十壽詩

伏日醉歸作歌柬鄒靜長學憲

贈汪幼清催妝詩

秋日同叔達過侯氏郊居

新堂落成詩

送侯服長之南京東國子先生韓孟郁

訪丹陽劉心老

題畫與歌伎

和荅李沮脩九日山中見懷

送李沮脩遊越中次韻

弔程相如宗兄

方季康五十贈詩

送黃像之北遊

徐羽鼎邀泛舟秦淮卽事

十三夜姚允初丈邀同比玉聖胎園池泛
舟卽事同用支字韻三首

啓陽家叔七十初度寄詩爲賀

補賦方平陸姨丈七十詩

九日病中書懷

方母孤燕詩

九月廿六日汪善卷邀泛舟卽事

十月十日汪九飈哉宅中聞歌作

風雪行柬姚允初丈

送陳効彬

贈鄧彰甫

贈吳隱君

松圓浪淘集卷下目錄

終

松圓浪淘集

新安 程嘉燧孟陽 著

雪江卷十五 凡四十七首

人日次李茂初韻却寄

東家值雪吟庭柯西閣留僧夜語和舊侶只憐
經宿少新詩還想逼年多紙窻青火時成趣綠
酒春風忽乍過不見君來又人日早梅看去奈
愁何

張季脩新年北上謁選禿筆送別

殘年短楫背孤城上日長裾謁 帝京風雨夜

燈空間濶關河春雪漫崢嶸載礪揚子甘持戟
釀秫陶潛且代耕不是折腰縻薄祿恐虛經術
負平生

訪孔雀庵蘊暉師不遇

竹塹蘿垣白板扉庭梅爛熳雪花飛窺窻白拂
仍留在却抱孤琴下翠微

由廣陵過江訪姚允初先生感舊

青鏡流年不可思浮雲世事豈堪期扁舟未負
三山約雙鬢還容四海知羽扇高名誰子敵深
孟痛飲亦吾師艱難別後無勞問相見生前且

盡卮

過閔老喫茶作

團面何須作鳳形石頭那許雜中冷
宵來慣同奴飯白未見已令儂眼青
秋露過春翠欲滴松風到門寒可聽
君家仲叔老多事我更無煩呼玉餅

再集姚丈鷺羣閣

得攀高閣問鷺羣每醉春陰話夕曛
梅對一枝庾嶺雪峰移幾片洞庭雲
西堂夢草初成句南郭馳煙舊勒文
別後思君期命駕梁閒懸榻許

仍分

雪中方求仲載酒出詩就訪道故

漂零袒褐十年餘曾在銀鈎慰索居明鏡紅顏
他自見滄江白髮爾何如閒窮物外酬天問老
向人間得子虛咫尺尋君成興盡京華風雪出
無驢

養生引

爲海虞張虹川賦

駑馬戀豆畏着鞭駿足追風馳蟻旋相顧長鳴
哀且憐士逢知己生姿妍嗜好清渾異酸鹹氣
味正平無葷羶恨不論交廿載前君爲功曹令

史員鳴竿蹠屣衣馬鮮使氣脫交在片言橫遭
羅織墜九淵一朝覆盆俄見天爰書明白相澣
湔千金火浣辭炎燿盈尺白壁完雕鐫鬚眉蒼
素舉止閑揖讓長在賢豪間何如俗儒矜瓦全
詆人輒不值一錢見同井蛙與蠅蝸觸冒顛隲
身首駢義貴方兮智貴圓高門縣簿曾何嫌談
笑解紛慕魯連張公張公吾所賢君不見批郢
導窾神砉然云可養生兼延年

二月十三遊陽山宿文殊寺

一宿長雲又下山腳跟踏破領毛班幽泉似作

留人語底事塵中日往還

次日遊西白龍廟觀古栢題壁

犖确枯藤得得來蒼皮無恙蘚垣頽老年欲占
峰頭石冒雪穿雲看幾迴

送葛山人佺山訪睂公

好去佺山笋倍香故人曾約入林嘗拔雲一夜
三千丈白髮新年似箇長

四月初一日孫氏女佛容舉外孫喜書二
絕

彌月初名滿月容弱年吉夢又維熊白頭衰鬢

無勞似如蜩英姿繼阿翁

看汝驚人會一鳴還家憑客試啼聲自誇擇婿
嬰孩目已道他年宅相成

同方季康栖虎丘鐵佛房卽事

山中客到棲山寺時有蘭舟載酒迎豐草臥來
元似鹿春花飛盡只啼鶯水邊人簇新圖見月
山歌殘舊恨生閒夜沈寥清磬後荒螢野沼自
縱橫

寺門窈窕水西東士女嬉遊夜不空燭下歌舡
人面月茶閒禪榻髻絲風轆轤聲杳千尋淥羅

綺塵驕十丈紅頭白風情消未盡醉聽仙梵宿
花宮

虎丘覽古

香臺劒石一丘中雲臥相將海客同啼鳥日光
東堰水歸鴉山照北樓風草芳西子裙腰綠月
墜真娘寶曆空畫取鐵花巖壁去千金休買碧
玲瓏

蔣仲雄衡伯泛舟邀遊上方先飯一雨師
菴中晚歸同彞仲即事

綠陰成穗水生光共泛蘭苕陟上方風味總投

香鉢裏冰心細倒玉壺傍峰銜落日催殘醉湖
帶流雲送薄涼月出橫塘歌稍發迴撓不覺浦
煙長

亭上送唐兄感舊

廿年落拓江湖侶載酒尋花剩此亭臨老別寬
消已盡不勞鶯語尚丁寧

題畫

春雲荏苒荇參差知是山家采綠時昨日小舟
來送酒城中傳却鬪茶詩

聞等慈師在拂水有寄

經年不見東林遠聞住峰頭看瀑飛古寺正如
昏壁畫層湖都作水田衣相逢不厭陶潛飲細
倒松肪貌翠微

題畫扇半塘雨歸

雲巖山寺有無中雨過山塘翠掃空城市近來
添好事袖閒收得碧玲瓏

題扇送季康

舉首陽山是白雲擬同遊宿又輕分含情唯有
河橋樹一路依依遠送君

送唐兄

幾度花時不出村，忽隨官舫去蓬門。
老懷易覺山川隘，永日難忘寤寐言。
堂北瓜塍連子母，窻前竹櫬養兒孫。
臨岐西向空成笑，消盡當年黯黯魂。

雨中別等慈師拂水山房寄懷一首

遠尋禪老叩林霏，松栝藏門盡十圍。
好事祇餘投白社，娛人况復自清暉。
帆前雨重憐峰去，寺杪湍驚想瀑飛。
休夏再來曾有約，何時心迹兩皈依。

虎丘僧房夏夜試茶歌

深林纖纖月欲沒坐久明星爛於月正無微籟
生虛空忽有幽香來醲醇未須涓滴潤喉吻已
覺煩漚清肌骨泉新火活妙指淪風味難言空
約略芳蘭出林露初泫寒梅吐韻日猶薄洞山
標格稍云峻龍井旖旎徒嫌弱淨名妙香自無
盡天女散花仍不着世人耳食喧茶經此山尤
物遭天刑鎖園鈴柝亂鳥雀把火敲扑驚山靈
空煩採括到泥土豈有烹噍分淄澠鄰房藏乞
自封褁色蔽翠羽疑空青庭閒夜寂客亦韻潛
解綠箬開芳馨元與枯腸洗藜苲月爲世味充

羶腥

隱峰師東軒同蓮居師兄茶話

雪中別師去歸來桃欲花雲巖月三穀松窻泛
鮮霞心期宛不隔清味風閒茶江海生早秋始
覺歸意賒師門有龍象經行過流沙持鉢清涼
山春寒犯邊笳錫飛空香中先余已還家侵晨
東軒下汲水陳茶瓜香雲徧黻黷涼風動袈裟
吾師道機熟對人橫雙跣何當集真侶焚香行
法華

隱峰菴主五十

雨潤禪枝夏木青
林公丈室晝長扃
風前茶熟疑甘露
日下桃紅類楚萍
身喻芭蕉無實相
法參蘆蔔有餘馨
十年宴坐兼行道
長住天台止觀經

東鄭彥逸索酒二絕

西家甕面猶存否
自向秋池洗破瓶
矮閣書窗須一盞
黃昏深柳似南屏

莫笑老慵無飲興
偶思一盞爲新涼
不辭洗勺分涓滴
小戶何妨共醉鄉

八月中秋示鮑甥將赴揚州

是時鮑甥將赴揚州喪孫石甫正

奔父喪而余春前
哭妹情見乎辭

子行無復倚門親相見何堪涕泗頻岐路殘春
長斷信一家圓月正傷神還山已荷埋身鍊隱
閣仍危墊角巾寄語江邊楊柳樹自今愁作渡
江人

八月過邁齋留宿

江淺潮仍漲城南放舸輕園林長偃卧水竹自
逢迎桂滿華輪缺畦香白露盈酒闌聞曲後愁
絕獨沾纓

麥麥亭作

野外有所適園中得此亭花同今日滿林較舊
時青與恆歸閒止杯陶混醉醒還思十年事曲
罷見飛螢

張魯生家題畫

斷崖仄磴俯中流嘯樹攜琴在上頭

甲寅中秋
同在焦先

嶺野月似江還似夢漫吟吹笛過揚州

東坡詩
夢中吹

笛過
揚州

長蘅吹閣畫焦先嶺

風滿空亭沙接天俯憑飛鵲嘯江煙老懷尚欲
參名岳難守寒齋看畫眠

戴元瑞載酒過塾巾樓

柳深書閣罷琴歌

時聞友人孫三計止酒經月

有客停橈載

酒過舷際短簫吹晚樹門前幽策入煙蘿香生
蕙草移空谷心共芳蘭在澗阿乘興但能來枕
藉樓中間似白雲多

季明孺書來有詩訊予及聞上人將之晉
藩幕

玉山久不見噴唐尺素俄傳向太行馬首關河
馳晉問篋中風月載吳裝芙蓉只在參軍幕花
木還深支遁房若過經時西閣裏寒香依約滿

迴廊

洗破硯試姚玄倩筆

下巖石古空嫌破上黨松堅在被磨揀得中山
無售處人看剛值一毛多

出郊看紅樹懷孟先

青楓玉露漫凋傷緩步郊端送夕陽千斛火珠
爭照夜幾藜金粟不飛香石家未卷流蘇障裴
令難專碎錦坊却憶西風邗水上蘆花瑟瑟羅
垂楊

過唐子厚郊居同君朗諸弟

萬樹深紅閒淺紅小橋詰曲野塘中桃花流水
無人見絳宅丹丘有徑通霞起正橫天末紫霜
華偏怯曉來風高枝容易紛紛落莫惜淹留竟
日同

東庵夜歸作霜月寒林

煙蘿一徑入僧寮誰冒寒風共寂寥
栢子滿庭鋪柳葉月明人影在空條

送劉廣文之黃州

丹陽人

丹陽郭口皖城頭不盡吳天楚水流
風落石鍾空戛擊月斜江鶴夢追遊
洞簫嫋嫋孤舟夜斷

岼蕭蕭故壘秋曾識臨臯亭下路山川猶可慰
離憂

戲贈吳興茅生歌

瑞彰子道生

山陰鼠鬚久零落海南雞毛亦單乏宣州諸葛

世不聞近歲吳興有新法

王道彰父子茅氏父子姚玄倩縛毫

圓滿裝管輕剔鐸精良心手恰天清眼淨日數

矢持向書流問乖合爾翁七尺頗岼然嗜酒談

諧無檢押大言吾筆是神物一蘸直可盡十劄

盤紆牽掣無不可徑丈屏風方寸筴豐狐之柱

秋兔翰迎臘柔毛銛且滑漆光小兒晴湛湛春

葉飢蠶聲颯颯書家用輓神怪生意外藏鋒賄
波壓但恐好手不易遇腕弱毫癡力難幹筋骨
未就圭角呈狼籍紛如印泥蠟臨書抵訐不藏
拙輕重纖穠苦遭聒君言明當上揚州此地多
金客嚙脊古來難得是識真流俗兼容唯茸闌
不見揚州郭裏賣昏鏡青鏡遭瞋委塵匣

壽吳光啓母夫人

傳家芳節照懷清冠郎君舊請纓萱草堂開
林下宴槐陰館借渭陽名封連素邑當千戶坐
擁青箱抵百城聞愛樂邦添壽劫還將鼎養五

侯輕

壽張子石母夫人

南村臘近凍醪新
堂北萱叢透雪春
書帖麻姑丹是粒
畫屏陶母髮爲薪
那無麟脯傳香氣
知有熊丸和苦辛
桂馥一枝燃不晚
節五花看耀鬢
如銀

壽殷四丈紹芳

汝南清德久芬芳
難弟賢聲屬季方
天上鴛鸞初得路
門中羔雁已成行
乞言茂宰時脩爵
緘口恭人日負牆
會見百城圖畫裏
貌君黃髮沐

恩光

寒夜曹吉甫同克勤集別

下帷那可數經過歲暮留歡且晤歌
細詠艷詩行綠蟻高摧花炬話青蛾
流年適盡風情減文飲更番酒事多
敢倚清狂敵年少尊前無奈白鬚何

顧生行

顧生兩脰疾於鳥荆吳夜發幽并曉
夸父逐日笑力蹙列子待風譏煩擾
所如萬里無空濶颯颯雷崩看電燎
言辭質訥骨法奇瞻智蘊豪心

轉小世人刎頸視金多黃金未盡臂先掉君其
善寶千金軀百鍊冑隨人指繞匣中盤劍持贈
君且向壚頭醉清醪

松圓浪淘集卷十五

終

松圓浪淘集

吳裝卷十六九一百有七首

丁巳元日東林軒和子柔作

纔過中年憎老態每逢令節見童心居貧那免
爲人淺隨俗將無與世深一室茶香時偃仰三
竿簷日漫侵尋還投古寺煙蘿徑閒聽春林百
轉音

書去春畫鐘陵霽雪

帝城燈罷雪嵯峨二月風光峭未和馳道殘雲
猶駭馬龍池新柳已如鵝蔣山出霧春羅薄秦

水含星曉鏡多日暮歌鍾何處發五侯門館夜
經過

寄懷白下姚允初先生

春物經時繫客懷東風二月綠秦淮孤松五柳
存陶徑玉樹芝蘭長謝階搥筆白鷺時拍拍開
尊黃鳥日喈喈思君吟罷無慘甚細雨疎燈殿
夜齋

正月八日亡妹忌日感述

兼程風雪赴江天一木音容已隔泉歸到食貧
長併日看來死別又經年更誰同氣知余拙忍

復含悽話汝賢心欲營齋腸迸斷春光雙淚寺
門前

題扇

生公石坐白公隄伎檝歌場日易西繫馬自尋
松影立春山空響叫黃鸝

將市藥吳門李茂初攜詩邀看梅止余樓
中次韻酬答

臯橋流水帶城闌廡下何由見隱淪逢世生涯
無奈老浪遊心事况禁春誰堪去去因人熱已
覺拘拘損我神莫對梅花說顚顚君來開口即

佳晨

春夜留葛實甫歌

春月中宵流素影春風西園發紅杏花時洞庭
髯葛來雙眼照人青同同堂堂愛作曲室語冷
峭襟情出新警故人爭釀青銅錢樓頭燒燭東
風顛夜分酒盡且莫別風雨明朝同醉眠

次子柔送行韻

饑來安所適徒此悵離居世路求遺穗生涯問
嗜菹塗窮自愛惜計拙莫躊躇別後東園會風
光願子書

疊韻留別隱峰長老兼柬聞繹

門徒從乞食長老自安居庭果還成實園蕙好
作菹嘗茶應見說坐月定躊躇論法多清暇新
蕉且徧書

悼翁昭叔

翁子產茂苑家頗富田疇諸李全盛時館甥締
綢繆少壯誦文藝繼晷夜不休田甫莠苦驕舌
畊傳呶啾移家避急歛弟兄罕相收纍然日藍
縷佩服軻與丘嗟余久屢空椎拙世所羞君顧
來就余相對消百憂啜水或終日濁醪僅盈甌

飲罷即假寐低垂髮颺颺今年客郡城館穀計
稍優方春懼寒疾少食妨薪樵余再往見子子
亦一來求胡爲旬日間還家初舍舟矚眩忽長
逝幾於死道周人生無百年焉分短與脩所嗟
寡人子敦史誰見搜我歌紀平素臨風涕滂流

題畫

題幀二絕

清溪百疊遠含風樵路漁源望欲通一段鄉愁
何處着傷春無味夕陽中

客路無媒類轉蓬人間薄命是丹楓臙脂縱似
桃花色難挽春光二月紅

比玉盡霜葉紅十二
月花索詩與伎

將市藥聞門 茂初携詩過訪留宿墊巾

樓依韻奉和

西窗殘燭夜分餘情話厭厭少日如滿室蓬蒿
開小徑傍樓花木媚幽居已無好事能留客尚
有高吟賴倡予自此經旬長閉戶寂寥空比剏
玄廬

二月廿九日風雨出鹽鐵塘過曹穉躬宅
觀仲山父鼎及古畫張燈至夜分即事

朝雨生煙桃欲蘂江風蹙花柳絲折輕帆抹郭
潮未來短笠到門聲不絕主人置酒陳尊彝香

霧霏霏茶郁烈正襟古鼎忽神竦眩目華鋙愁
眼纈走趨平頭出絹素指點纖毫數衣折興酣
放盞且落筆醉聽新詞催擊節恨無清歌堪裂
石聊發狂言如出屑却憶雲巖看畫時稠綠鳴
蟬初咽咽歲晏尋君興盡歸客館風窻疑急雪
寒裳何辭斲沾濕把袂應憐太飄瞥燈火還付
兒童劇風景休嫌老顛裂細思主人亦太奇夜
半留賓看燭滅

三月三日泊虞山下步尋等慈師不遇

草堂寂歷自禪居山下春光正祓除鄰犬人歸

纖月後木魚風落妙香初蕭疎遠岫雲林畫映

帶清流內史書

余攜倪迂霜林遠岫及定武帖皆師所賞愛

乘興尋

師相賞處筆牀經案獨躊躇

甲寅八月在見源禪房同焚香展翫

累日

閨門廡隱居題畫

老去何辭嫌我真疎簾元不隔紅塵春山染出
還如笑莫爲栖栖也笑人

題江沙落木

去年十月季康待余湖上無聊中作

殘夢依依見六橋斷蓬飛藿正無聊只看沙渚
縈紆處曾倚青林送暮潮

繆太質移居閬門招飲作

參差羣籟揔空寥老去何心學避囂山水自隨
陶峴舫土風猶近伯通橋口如銜轡終思吐身
比虛舟詎厭飄但說飲醇吾便醉更無宿物對
君澆

題閔青芝先輩畫像歌

金閭朱橋跨吳甸千人萬人塵撲面角巾儒服
人睜觀云是丹青畫中見誰其氏者筋骨青青
芝山人仙鶴形飄髯數尺振風鬣方瞳雙炯含
晨星海山松喬閔屢肆圖史顏閔趨家庭一壺

長懸或市藥洪鍾待扣時談經雖無兼珍繼鼎
養已有神物嗣寧馨只今四十名未成刺促車
馬塵中行妍媸貴賤久顛倒人世爵祿牛毛輕
如君青雲之姿固徒步往往齷齪猥瑣徒隸躋
公卿

重過虞山塔院蘭公話舊

湖邊春草憶佳期重放扁舟夏木滋遊戲自來
通繪事安禪久已廢吟詩半江塔影迎帆遠曲
巷經聲出院遲曾訪本師乘野月舊房空老碧
梧枝

六月積雨不能赴鐵山喫楊梅燈下題畫

寄懷一雨師

菖蒲潭上烏絨花楊梅樹樹頽紫霞三步期過

道傍墓

道經徐宗伯公墓下

十年未到潭東家

朱老菖崖居潭東

雨公近在鐵山住夢中尋山已知處望仙橋荒
時有人給孤園深若無路雙樹橫遮洞門闔一
木斜支蒼澗度四面湖山自吐吞六時香梵同
朝暮一宿山窻仍有期重來須及楊梅時臨分
相送還少立李郎周生許同喫世間萬事詎由
身漫山殷紅休笑人小築稽留三潭月冷竈偏

側聞門塵風雨枝頭看欲落吮墨篝燈空寫真
戲題畫遺起田

每對湖山算買山買將身置畫圖閒年來省作
無錢計自畫雲林著老頑

六月十六忽病頭風過陸比部郊居

落花村巷艤舟時已分涼秋是別離見後寔知
愁我拙到來底事會君遲將投方外心猶碍久
園塵中病敢辭相就愧無河朔飲且同杯酒話
襟期

拂水山房立秋夜同錢受之作

山館傷春後重來經早秋低回纖月墮高枕細
泉流多病猶生理無家尚旅愁不須更搖落始
覺萬端憂

和比玉賦遊魚啖花影

無數輕鱗蓮葉東泳芳吹沫競浮空疑追戲蝶
來天上誤餌游絲沒鏡中點額冷光如吸露濯
鱗香陣欲殮風相忘樂事江湖外捉影還看嚼
蠟同

九日次比玉韻

年來漁父已無家長負籬閒九日花偶共輕舟

尋窈窕

是日同泛集北郊山池

尚憐行步趁欹斜人歸月

下仍逢酒病起風前祇輟茶寥落孤雲無住着
愛君天末自朱霞

雨中公路以詩招比玉及余出飲夜歸次

韻東荅

經旬出飲只空樓時有高人款不休江閣邀賓
還過午蘭堂撩客正宜秋莫辭燈下歌垂手更
約花閒買櫬頭最是君家饒勝事殘樽山雨未
曾收

又和公路聽雨之作

浪浪急雨濯船鳴酒醒空樓欲二更細詠新詩
殘燭下遙知秋思夜堂生靜連石鼎颼颼響涼
泛胡琴渡索聲安得淋鈴聞一曲熏爐匡坐到
天明

題春前畫邗江柳示比玉

前年重陽淹客裏安江門外蓬窻底衰柳青青
荻半黃楓葉蘆花三十里境僻人幽觸雨行水
鷺沙鷗驚不起邗江只此消客愁一別三秋思
難已連年九月坐空樓今年有客差可喜人笑
鋏空客不去我畏客去愁來矣人生聚散夢中

夢身後尊前只常理忽思此圖初作時寶仗河
邊竟旖旎地下應無埋愁處沽酒澆之聊澣洗
不如對君痛飲歌一曲且聽明日君歸愁欲死
九月廿四日生朝閑盂無際彥深公樸諸
君釀飲墊巾樓中呈北玉索和

親舊深憐老不堪衝泥釀飲會村南載醪漉酒

師偏許

是日隱峰
師亦來會

剪菊烹葵客故諳畫筆他年

知解走

時比玉有
失畫詩

尊壘今夕保無慙悠悠自惜

皈心晚衰病臨頭五十三

題醉中墨竹

自笑前身應畫師，能描露葉與風枝。
胸中成竹今何在？但看淋漓爛醉時。

十月十八日同閑孟無際彥逸泊舟程橋
由吾谷看楓葉上維摩至望海亭憩拂水
崖夜宿山房遲等慈師

遙聞買藥到人閒，曾踏姑胥郭外山。
有約繫舟尋窈窕，何辭襍被宿潺湲。
霞歸絕壁松門晚，月出荒池竹路閒。
只在白雲紅葉裏，肯言不遇又空還。

冬日獨遊東臯草堂東達觀兄

憶昨蘭皋晴新堂春暮成忻同周覽際遂獲嘉
逌情通川貫遙畎長隄帶脩膾栽桃隱流水植
竹藏青冥會當空曲處擬結滄波亭身入朝川
詠思偶藍田耕何如日徑造留連宿林垞臥病
前山下已過荷花傾况負池上月遠投雲端僧
闌來一緩步祗見寒霜英楓林暎北垞山翠亘
南榮隔原有人響過午聞鷄鳴魚影在深藻村
煙下高城幽賞亮不隔中懷如合并緬存曠士
旨悅從東臯生醉鄉如可占陶然須時清

丁巳十一月十八夜枕上占句送比玉都

無倫次略數東坡上巳日詩要使別後歌
之聊存陳迹正不必詮叙耳

病餘君來如夢寐各問知新矜賞異隸法近師
夏承碑畫圖遠視洪谷記清詩未冝薄今人如
啖哀家咽吻利衰病慙君無一可僅有新圖入
君意化爲烏有倏藏匿妙語相調如半偈不妨
戶外屢時錯只恐樓中跡難繼扁舟入郡十日
同心憶虞山千樹楓喜逢故人坐明月特邀舊
客歌春風月圓空江先挂席重踏維摩共遊跡
樹頭猩紅風不動一片飄飄已驚惜前年夜登

維摩庵山腰步步迷紅酣且先攜被宿寒碛遲
共策杖穿晴嵐待來不來時出郭紅翠稀疏暗
蕭索遙從谷口望吳閶一抹青山銜日落書來
苦道不得動兼聞小別神先竦輕舟曉發追送
君五兩掀欹厭船重囊羞疊耻不堪醉行吟南
城尋古寺咎人放逐有遺蹤欲弔荒灣展離思
乘興直過支硎山蓬窻見山開心顏水亭改席
月東上青瑤碧玉森迴環主人止宿山靈許月
光溟濛作飛雨把火扶筇半嶺回燒燭呼樽重
夜語朝眠聽雨寒淅瀝前峰後峰雲羃歷迴廊

俯松出磴道小閣攀蘿傍崖壁紙窗風雨幽趣
生恣閱丹青散金石更歌好詞爭賞激杯勺留
連忘日夕終宵烈風無時休起看旭日千峰頭
探泉選石勞應接興發遂欲窮冥搜彌陀嶺邊
道林下支公古松天所留衝寒賈勇役夫笑臨
發更往童奴愁山昏日短苦尋壑石古徑仄分
經丘上妨松節挂巾帽下鈎石角傷衣裘寂無
鳥聲斷人跡水楊藂立如交戟路迴境豁青林
開綺閣繚垣儼仙宅叩門一訪幽人居聞道姓
名相嗟吁輒誇荔子好顏色徧數鄰老盈郊墟

新知道故難悲詫劇談引步松林下崩雲偃蓋
紛枝撐尤物真難滿高價磅薄看松如看畫倒
臥橫蹣行石罅主人癖類陶隱居欲剗屏顏結
茅舍竽簞時聞仙人嘯雷雨恐逐蛟龍化山扉
留啜暖寒杯雪花勸酒如稽灰還同閩客作閩
語九深麦邪眼底來君爲客中鄉思撥我覺醉
後山光潑恨無驚谿千匹強隨意爲君試塗抹
鳴泉未放人出山石頂林端尚喧聒道旁昏黑
又停輿十丈磨崖暗捫搨江中寂寂聞雪聲柔
櫓咿嘍響空峇楓橋明滅有疎燈如見孤螢自

開闔明朝忽報下船去千回遲留一息遽歷歷
昨遊今有無恍臆亡書續殘句夜半醉歸君叩
門大叫霜月如銀盆老夫病怯情強起敝裘數
攬空傷魂枕上心口雜夢囈書成再歌聲已吞

聞歌引題畫新柳贈歌叟徐四

南曲以單題柳爲冠

廿年前遇金壇馬曲師曾傳其槩又嘗聞趙五黃二輩歌徐三在廣陵秋夜歌此情事感動合鸞吐納十一月十三季康適至邀集曲中復請唱此曩許爲作圖兼書此引

元詞舊數窺青眼時曲新翻歌漸罕閒中着意
教人難聲外加工聽自懶曾傳點拍麤解聽江

城聞罷空惺惺似禁楚女腰肢瘦如見蕭郎睂
眼青悠揚逐夢風前縷顛落飛花水上萍別來
無處向人道年少兒郎自矜好倡樓社裏人已

非

吳非海黃問琴

相國園中客俱老白頭最是可憐人

濯濯新圖爲誰掃沉吟理曲忽沾纓憶着風流
被君惱邗江舊侶來月明重向紅樓歌一聲何
處老翁能此曲霜天燭下啼新鶯囀聲自覺無
橫笛放指還疑有鳳笙渭曲灞陵渾在眼暮雨
斜陽陰復晴迷樓一望無窮樹端倚愁中却盡
生

除夕

來往扁中歲華除流年風雨一蕭疎衆山未去
殘縑在四壁雖存丈室虛短氣生涯新鬢硯
顏歸路老傭書祇餘雪後萱叢好巢燕相將識
舊居

雪中孟先走人邀看雪病不能出東荅

長鬚赤腳遠殷勤邀看村橋壓樹銀任是莫來
春笑客可知須往雪禁人光搖肌粟凌兢甚花
觸頭風眩轉頻夜久酒醒君祇恨燭消西閣迴
傷神

雪後立春酬茂初見訪

去年梅發話惓惓短燭殘杯矮閣中能得幾回
還夜雪相看一笑又春風值君暖眼寒偏好知
我疎狂老更窮明日雪消頭併白莫將閒悶惹
青銅

同長蘅回舟對雨

題畫與劉長卿

深院梅花臘酒濃春寒燈罷勝殘冬回經潯浦
舟前雨憶著龍池雪後峰

題扇寄沈雨若歌者

夢破揚州事已冥東甌小令最惺惺花明月曙

空亭上教住鸞雛不忍聽

張老挽詞

三月十二同瞿陸許諸老桃源
澗會葬

送君雙紉整行轡憶渡蘄河涕泫然長夜忽驚
開白日老春應更釀黃泉玉川無復添丁事蒿
里空餘寡婦篇此去歸來如未死重將絮酒酹
墳前

雨中宿錢受之館惜別

別館風花急停舟問數移莫辭經夜宿已值暮
春時身遠歸難定家貧出每遲消魂南浦上不
覺淚如絲

題畫扇送石甫之淮陰

揚子灣頭楊柳枝，風花如雪正垂絲。
時清何處無屠釣，空過王孫漂母祠。

題扇寄孫士徵

君至閬門留扇索畫徑去

管賢重相思，千里赴一笑。
君亦命駕來，未見臂輒掉。
既來不須更顧已，非壯少別君各憔悴。
清狂頗同調，故人始薄祿。
折柬乃相召，我真爲飢駑垂白投。
遠徼君期會，三晉人事多錯料。
趙女嬌善舞，羊酪美可醺。
吳閭正清和，絲肉移晚權。
恨君不少留，壚頭醉新醺。

廣陵道中喜值汪汝澤同石甫淮陰來話
舊愴別

山中少日美遨遊世載相逢已白頭人似月明
飛夜鵲偶從天際識歸舟鄉心淮水潺潺雨別
路吳山隱隱愁繫馬江邊同極目直看西北是
并州

由廣陵復
會京口

雨泊下關東平仲栖霞山

天開石畔庵至今尚知處寒宵抱被宿明發乃
別去君如倒峽流百折自東注吾爲絕塞蓬隨
風不得住昨夜蘆中洲天末一峰曙咫尺若可

攀夢寐入風雨安得雙黃鵠與子同軒翥

過滁州方伯雨兄學舍二首

寒氊山郡已三冬愁絕吳門老賃春弟子談經
爭折鹿羣公餞衽盡登龍洪音曾爲織蕙發蘄
落仍憐五石容久憶瑯琊林壑美西南深秀問
諸峰

一從射策罷南宮淪落滁山一醉翁經術流傳
欽父子文章風骨漢西東徂年青鏡韋編裏過
客荒亭斷碣中老厭雕蟲餘習在莫云詞賦似
楊雄

感道傍枯柳

婆娑枯柳尚穆穆白髮青驪淚滿衫一路殘花
仍汴水十年春夢落江潭黃河岍徙孤蓬直明
月巢空越鳥南舊侶重來餘半死敢論生意歎
何堪

傷寧陵喬給事

一遭鵬鳥賦承塵無復徵書起逐臣誰識南州
磨鏡客却慙墓道過車人風遙牛馬傷何及歲
入龍蛇識已陳城郭半非門仍舊廿年踪跡似
前身

由滎澤廣武山下渡河登太行馬上先寄
方叔明府

朝瞻廣武原北枕大河遼隔河駢駢峰遠結陣
雲勢黛色映朝暎有無氤氲際諦觀果太行東
盡數峰銳盤薄亘千里河流信如帶少年慕河
朔臨老覩巨麗彼美白雲中願言幾欲噉上黨
天下脊宰割良得地蜚蝗望境隕甘雨隨車至
漁陽多兩岐單父無掣臂政通樂可支客遠心
長悵吾聞古人交五味貴和齊愧非麗澤資敢
云以水濟吾衰誦黃老清淨與世棄達生矢養

恬爲腹甚深嗜君今宅高
明膚寸雲雨致余方
陟險艱顧步恐失墜

中秋夜風雨送長卿歸新安

塞近山寒早先秋落木疎
空樓不堪上風雨復
何如吳橘迎淮浦隋楊入汴渠
故園共松桂中
夜憶吾廬

又絕句

山雨空樓落木多月明城下見
漳河江南鳥道
青楓外三百高灘飛白波

十月廿八夜寄懷宋比玉

錯對槐花料子忙依然搔首過重陽雪中叢菊

全開淚

八月晦大雪盈尺

塞上楓林不待霜萬里虞羅

通朔雁五更鼓角動天狼

五鼓辰星長亘天

秦淮酒美

冬仍暖莫惜千金舊鸛鷀

十一月雪夜得伯雨兄書

遙思一騎向南宮忽致雙魚暮雪中燈下與君
渾見面眼前如我已成翁逍遙自作林鳩笑得
失心知塞馬空蹤跡冥冥無定日會看雲翼快
搏風

喜侯豫瞻得解

乍展賢書覺眼明
傳觀鴻筆使人驚
橫空自挾風霜氣
擲地俱騰金石聲
座主一頭仍早避
承家絕足已先鳴
鵷鷺接武年尤少
今日須知宅相成

立春日追和雪後酬友人韻

殘年春色又怱怱
酒罷心情似夢中
鬢逐草衰全帶雪
書隨蓬斷半因風
忽看形影身何在
不覺崢嶸歲已窮
無復江梅與村釀
杖頭閒挂一青銅

寄汪無際兼呈長蘅

移居相望一城東
築館新抽百尺桐
便借光輝燭鄰舍
免貽輕薄誚兒童
扶搖共看搏風鳥
流落誰憐踏雪鴻
惟有平生最相悉
題書先寄白頭翁

汪僑孫酒閒道故燈下有作依韻口號
生死論交二十年
他鄉消息總茫然
新詩刻燭還成淚
老興將灰未減煙
今夕樽前拌玉倒
別時衣上有珠懸
衙齋天與閑人作
去好辦飢食和困眠

已未元日試筆

少時秉燭永今朝壯士流年不自聊從燒病魔
身健在漸耽禪悅意粗調東林長老期宵坐北
闕郎君候早朝掃地焚香無一事半窗紅日看
冰消

歲改家書尚眇漫京華傳語道平安離居老盡
料平筋力歸夢春生奮羽翰家遠且拌愁坐穩
書遲轉記路行難窮冬累月無巾櫛曉起梳頭
試小冠

元夕

迷方到處卽爲家元夕山城罷放衙身槁欲灰

逢火樹眼昏生暈亂銀花願看遼水烽狼淨喜
見并州竹馬譁佳節太平難際遇傳柑燈宴說
京華

送汪僑孫

三月寧武歸留節日甫還

經年踪跡信沉浮相送悽然攬敝裘塞北歸心
邊馬疾江南殘夢曉鶯流桃花河廣人難渡芳
草隄長客倦遊到日倚門勞佇望亂山鷗鵲夕
陽愁

題墨竹寄方民表丈

泉聲閣影舊書堂窻竹垂梢暎石墻松子種成

俱偃蓋孫枝聞已拂雲長

客愁

客心降盡轉悠悠見月聞歌已不愁當日絳唇
空寂寞何時雪頂共依投衰年自照猶殘燭長
夏行吟祇敝裘送遠可能忘故國浮雲西北有
高樓

四月廿五示迪兒

生爾占星夜

小字星

知爲男子祥寢床還疑疑載

路已嚶嚶誕漫成兒懶嬌癡似爹

大

長析薪期

負荷擔笈應孤業學語齊于越觀詩歷魏唐男

兒須有志十五早升堂

甲辰夏余在戚大將軍幕府占得呈字兒以生

憶昨

憶昨紅顏俱白頭少甘疎誕老何求身拘尚覺
緣名累舌在惟知爲食謀有道不辭公府辟無
功聊託醉鄉遊良晨直欲尋漁釣孤嶼舟中詠
亂流

題墨花蝴蝶

管年落筆多乘酒花鳥能欺粉墨工老去一杯
忘夢覺祇應遊戲漆園中

夜飲刁氏洛酒戲詠

刁家林下絕風塵，想像冰心綰袂人。
雪色瑩膚微帶暈，芳蘭通體更生春。
占來鄉裏溫柔足，看近圖中骨肉匀。
當是孟公知此意，深宵偏向左阿親。

洛酒以刁寡婦名

送求仲

韶年東下同舟日

甲申秋

自覲微才乞斗升，諺料

衰顏徒作客，祇餘殘髮未成僧。
君猶干祿趨公府，我亦懷歸畏友朋。
樽酒不堪仍遠別，北樓風月伴誰登。

月

中夏當圓月空庭出樹幽一聲剛欲發萬感集
還休鵲屢飛明鏡蟾孤戀黑裘荷戈今滿道且
莫問刀頭

題煙嵐小幅寄比玉

前年比玉在壺巾樓有失畫四絕句屢要

余作雪江釣艇未暇作此幅久置亂櫓中檢得漫寄

乞我寒江畫釣絲
祗緣矜慎轉多時
村煙嵐翠無人管
聊準償君失畫詩
一角欲斜出小舟村煙嵐翠下中流蒹葭白露依然只在只是伊人不求君失畫詩之一也

寄懷鮑谿父

冷泉踪跡十經秋
清夜聞歌已復愁

杜子美有復愁詩

天外白雲攜上黨望中黃海揖浮丘何時半嶺
蘇門嘯盡日空園漆室憂歸去與君尋一壑不
堪還擬尚平遊

述懷酬別瑞卿兼示谿父

勞生安物理風月不關心棲泊藏身穩蕭疎容
鬢侵事冥憎宿習年謝惜知音有願參名岳非
緣學尚禽

九月旣望次瑞卿惜別詩

十二日與元功同發

逢君春向暮相送忽深秋長夏無蟬噪高天極
鳥投閒階松葉碧空院菊花留曉月臨山驛寒

風滿縣樓人行落木戍馬識渡河愁不謂平生
淚還因別思流

冬至月下即事

去秋寒早天多雪今夕冬暄月似春淡境味長
堪送老醉鄉戶小恰容身客中兩度逢南至酒
後終宵向北辰莫笑杞人憂國淚時看雲物一
沾巾

除夕前一日迎春戲題

又見官衙綠仗排故園仍未一書來難遮臘意
蛇投壑欲動春聲蟻發酥髯脚舊衰從變雪耳

根初靜不聞雷循方尚有癡兒在却笑吳儂正
賣歎

人日

昨始得家中二兒書并子柔兄詩數

昨朝庭霞打窻鳴人日簷牙放曉晴身過流光
如有迹心隨雲月本無生嬌兒書到疑城破法
侶詩祛愛網輕春氣自深冰自泮莫重瞪日向
清明

示兒

平生疎誕爲優游四十生兒年累頭欲舉醮詞
唯祖德尚循貽令在孫謀願今磐玉成桓器可

但雕蟲作冶裘吾已灰心應努力五車須讀筆
須投

署中西牆偶因積壤成臺在春初秋夕夢
中詠詩遂續成十二韻

小臺初築試閒行鐘鼓樓頭報晚晴亞字牆庫

通粉堞宮墻槐老宿黃鶯

縣治古顯靈宮此
老槐皆前朝物鴉

雛柳色藏山影燕子梨花露月明殘雪殿春唯
遠岫斷虹閣雨過高城漫思散步中甯立且喜
經營不日成簾筍甃來匡坐穩瓦墩燒就石牀
平四鄰樾美安碁局八角涼多磨酒鐺改席便

教官燭屏無絃偏覺必琴清欲傳佳話謀題額
擬託新鐫疏姓名羊峴他時人墮淚龍山此日
客沾纓天紫雲木遮鄉眼地隔笙歌護道情猶
有生公臺畔想夜深風裊輾轡聲

悼景先亡弟

中年衰病侵不禁死生戚過江器同氣見汝先
惋惜憶昨鴛湖傍雪花滿衣襪暖寒甕杯酒榜
船破幽閒還期集我廬言笑送除夕汝應憐我
貧扁舟已更適從此山澤臞遠臥上黨脊經年
絕育塵妻子邈異域朝來拆鄉書子已登鬼籍

但云死姑蘇歸骨事未悉生離怨前期死別撫
陳迹余初還山時髮燥未裹幘汝年纔九齡漸
長日余暱當我罹諍訟賴子協心力自傷早羈
孤託我誌銘石念此溫溫姿孝友豈易得與人
分財廉垂白困衣食勞生總憂患一死諒冰釋
空餘生人戀老淚不成滴

除夕大雪題畫與德公

畫鵲與鳴鷄

燭花銀樹雪冥冥今夕天涯感聚萍翻墨鴉塗
呵欲凍添燈兒戲酒初醒帷閒香地雞先唱簷
外星高鵲喜靈一笑不須論似否老年交契舊

忘形

立春日署中即事

條風初應轉更籌簇仗凌晨送土牛
朱邱盤高行白玉麗譙壺永臥黃紬
夢中茅茁生蘭早火底金蓮匝地稠
官宴戴回新綵勝正分春色上釵頭

送德公

再用醒字

濁漳冰下水泠泠雪滿貂裘酒易醒
雲裏九重雙鳳闕江南二百五長亭
白狼川北烽仍黑鉅鹿城邊草未青
寄語翹材東閣地招賢不用置

侯鯖

德公已斷葷
長齋未止酒

贈劉浚元文學

萬族皆逆旅天地乃遽廬千里得比肩闔戶思
玄虛子稟河岳秀吾爲山澤臞 嗣皇下明詔
郡國蒐鴻儒匠石琢寶玉賈胡剖明珠衡門集
羔雁峩冠駕安車蕭蕭韋布閒磊落綴瓊琚苑
苑弱毫端犀利殲蛟魚何當細旃地講幄敷黃
虞時來會鼎養何必同茹蔬媿無贈子策寧復
繫賢駒

咏雪菊

戊午八月書

雨中階下亦鮮妍詎料冰霜一夜纏洛女淩波
迴婀娜湘娥倚竹泣嬋娟餽糧道士披雲臥漉
酒徵君冒絮眠若把寒英比團扇秋風重熱不
辭捐

夢後懷墊巾樓

移居無復墊巾樓歸夢依然在上頭元與江湖
豪士臥似聞風雪故人投窻閒塔影池邊小寺
外村光雨後收彷彿曾時同舍客月明闌檻竝
船遊

風夜獨酌有懷

浩浩春風吹鶚冠白螺杯窄褐袍寬鳳衰猶歌
九千仞驥病空悲百八盤西塞煙波簑笠晚東
林雲瀑草堂寒浣谿花裏人高臥不爲蒼生起
謝安

懷東臯

插柳栽桃乍滿岡約爲漁佃住鄰庄但同伏臘
東西社不論元龍上下牀拂水正堅安石臥屏
山橫枕浣溪堂何時鋤破東臯雨一段茶窠百
本桑

懷拂水故居

聞等慈師已化去

曾同學士碧山居踈牯深房響石渠邀客種蓮
通載酒尋僧看竹度藍輿支公好事時調鶴長
者前生是救魚筆塚草荒門限冷篋中空歸永
和書

次茂初見懷東荅三首

青眼何年別賞音白頭三月負光陰春殘未見
新鶯語歲暮偏傷老驥心書後有詩空悵望夢
中無路可追尋孤雲鼎鼎江湖日落日歸鴻萬
里深

平生嵇呂足爲歡倦客相思命駕難路斷羊腸

三月雪灣連鶴頸一江寒涸魚乞水長當轍天
馬行空不受鞍料得歸時雞黍局倒衣傾度費
朝飧

連牀唱和總髫年山石曾將白玉鐫風雪旗亭
分伎咏江湖商舶見人傳不爭北里陽阿曲只
欠南華秋水篇得失寸心渾忘却春來花鳥莫
悽然

春雪

春雪江南暝易霑朔霰三月氣仍嚴梅花落地
還妝粉柳絮因風正撒鹽宵柝暗沉清聽滿夜

窻光積病眸添高吟低唱消除盡摸索心情漫
撚髯

桃樹下作

殘春已過八十日桃樹初開三五枝瞥眼紅顏
剛一笑舉頭纖月正如睂未緣悟道空身老寧
復還家蹟面衰聞說城邊新買得隔花流水一
茅茨

東陸羽鵬

尺素三年墮渺茫遙聞鳴佩入鴛行秋風再洒
宮車淚臘月初沾漢署香別酒記逢花爛熳遊

程消破髻蒼浪一尊薊北春天樹夜雨何由復
對牀

聞鶯

鋪地榆錢卷落英清和庭院始聞鶯還將欲證
圓通耳又試無端委曲聲風裏乍颺疑趙瑟花
閒頻滑類吳箏何時對倚東軒樹叅盡聞聞待
麼生

白門姚允初先生要賦市隱園詩率爾寄
懷兼期繪圖

平泉池館舊經過難忘幽期與晤歌秋水濠邊

兩蒙叟妙香林裏一維摩
北山蘿月通長句西塞煙波欠短策
詩筆久頽雙眼在草堂新本試研磨

時命

少小曾嗟時命違不才敢齒宦情微
半生空長蓬三徑幾歿真成樗十圍
馬骨豈須酬美價虎頭終亦悔雄飛
殘年莫計無歸着處處春山滿巖薇

端午感事

山城客裏四端陽感事思家一倍傷
不數時鮮

羅水族劇憐風物賽江鄉標爭鮫室冰統賦鏡
浴龍宮雨雹涼耐可鯨鯢猶未戮天公應有辟
兵祥

劉浚元載酒六潤堂即事

挈榼風流省見稀開樽能遣俗情微酒傾詩老
驚黃色品壓豪家熊白肥已對蘭熏判玉倒正
看梅雨遶筵飛只嫌衙鼓逢逢動不得厭厭盡
醉歸

陪劉文學餞飲一首

風雪長鬚遣送袍新涼碧盃注蒲萄西京父子

傳家遠沛國先生頌酒豪六月鵬霄橫怒翼九
天鳳穴恣奇毛翮然秋水篇中客老去無心掣
巨鼇

劉去非將赴秋試惜別

疎雨殘河小院秋遙泉風殷隔城流偶過漫語
成高興知近分張爲少留天外江湖同去鳥人
閒時節值牽牛吹噓好送河東賦且進清樽緩
別愁

得家書後畫藂竹偶書

淚落南牆舊竹藂故人白骨翳秋蓬書來近道

浮香閣好事甘貧有父風

畫枯木怪石次比玉除夕詩韵

常年餞臘有秋茶添却庭梅點歲華爭喜小兒
仍愛客只嫌老子不歸家池塘無夢傷春草門
巷多時厭雪花貧病亦知難慰意漫圖枯木向
君誇

愁霖東懷劉浚元文學父子

凜秋戒窮節零雨浹蕭晨上天同霖霖和和冒
遙岑高壟見穗滯甬巷無車音離披中庭樹哀
鳴南枝禽豈無東窻洒孤懷爲誰斟寥寥空宇

中離居難處心風雨亦有好過時已成靈孰云
此滂沱歲旱當爲霖

揚州方季康館同張伯美孫養甫鄭淑民

舍弟仲防仲扶督別

戊午四月

別路江南已數程清樽細雨復江城殘魂如夢
聞鶯斷舊恨隨潮立馬生皈佛一心憐伴在駟
人十口悔身輕臨岐共有沾衣淚却使衰羸暗
撫纓

松圓浪淘集卷十六

終

松園浪淘集

易水卷十七

九三十六首

過易水懷古

層冰積雪漫嵯嵯
易水流漸自湧波
遷史至今疎劍術
酒人從此送荆軻
羽聲變後寒風惡
虹影消來白日過
千古暮雲京闕下
吳傭且莫浪悲歌

除夕踏雪看松

久客懷人百事慵
春歸幾日是殘冬
長安雪後無來往
報國門前獨看松

雪中浮白齋觀伎

滿店春風吹柳花
壚頭衝雪待琵琶
何當一笑褰簾箔
自道平陽是妾家

即事

碧盞東風生綠波
美人春夜許經過
漫敲銀篴當歌板
留著紅燈看舞靴

和韻送鮑存叔

子獨南行攬我思
相逢爲論歎卑卑
魚枯有淚惟吹濕
蠶老無心更吐絲
龜手取封寧少試
掉頭揮甌已多時
山雲莫笑歸嘗晚
汗漫於今總

未知

和韻送蘇子後

昨朝同送南歸客今日蒼黃又送君
涕淚感時思痛雪行踪相對各浮雲
甘泉幾夕通烽火遼水三春少雁羣
翹首可禁鄉國望莫云豺虎已紛紛

雪中追送友人天寧寺不及題畫與吳巽
之惜別

都門無計挽征衫下馬荒林雪意酣
一片凍雲飛不去斷腸春色是江南

清和十二日走筆送魏仲雪之南京虞部

兼東莆田宋比玉

先是侯起東初二日行

城頭西山色殘雪閒白雲行歌燕市中見雲如
見君夫君宦情薄獨與良醞厚几閣梅花初深
房明鐙後經過互謔浪相見數杯酒推藏痛飲
徒春帆到家久駟車還白門江雨黃梅時解鞍
栖霞寺朗咏青蓮詩閩客浮浪生遲我歸不早
我翻招之來戒勿辭遠道大塊俱勞生莫言江
南好憑君緘此詞長歌令人老

春前時同淵孟
一二輩劇飲

五月七日同劉去非牛貞孺攜榼湖邊坐

雨卽事用去年載酒六潤堂詩韻

樽酒京華對雨稀
水精臺殿正霏微
放情身世知魚樂
入眼江湖覺鷺肥
北闕黃塵波上淨
西山白雪夜來飛
相忘直作濠閒想
苑外何妨坐不歸

投潮音寺寶藏禪師宿

寺古苔深出院稀
雨昏投宿世緣微
空階支枕黃梁熟
香積堆盤翠甲肥
客語半牀清梵殷
禁鐘雙闕曉光飛
平明各自辭師去
悵望惺惺騎馬歸

疊韻送同邑趙玄錫歸省兼呈所親

相識都門從此稀
朝來山色夏雲微
自嗟辛苦形容瘦
君已紛華戰勝肥
長日過家娛奉侍
他時報主好騫飛
秋風故國江魚美
且蒔園菘待我歸

題風竹畫扇

示牛貞儒

疎窻漏月喜閒看
隔水時移一兩竿
何日枕書茶榻畔
松風無恙竹平安

送牛貞孺歸上黨

漳河杖策柳條春
馬首秋雲墊角巾
肉食豈知

籌國士短衣聊慰倚門人夕峰遮驛頻勞夢夜
雨連牀暗損神明日五更茅店月篋中相顧寶
刀新

六月二十日送正陽門外廿一日大雨追送此詩一扇一紙廿二日早行

七夕同受之坐雨偶吮墨作中峰夜雨因
憶拂水山居舊事漫書口號三首

漱壑淘林殷戶雷冥冥松際失崔嵬山窻五月
寒如水知是湖橋暮雨來

山郭拏舟夜別師竹房松閣總幽期影堂月落
泉鳴咽無復疎簾看弈碁

洞門澗戶隱潺潺洗竹按松倒看山畫出草堂

雲水裏無端幽事極相關

題扇

秋風挾雨翳朝鐘烽火家鄉意萬重老屋三間
篁竹裏聒天湍泝舞濤松

技淚一首送蔭子錦衣張齊方紀入蜀訪

烈愍遺疏

七月廿二日行

技淚滇南慟哭文忍憑斯語悼夫君崑岡寶玉
元同燼大國香蘭亦自焚張令死旌睢苑廟孤
兒恩拜羽林軍閒關萬里招魂地焚道初傳蕩
寇氛

烏傷王禕死事其子王紳
訪遺殖有滇南慟哭記

送歸春陽太僕南還兼東所知

旅雁隨陽南去時欲攀行旆緒如絲朝鐘殘韻
淒鄉枕卿月清光散玉墀憂國可能忘諫草思
家空復念園葵林中且莫耽雲臥蒿目誰將大
屢支

十一月廿四題扇與平仲話舊

山寺逢君日隨肩視兩髦帝鄉今會面客舍
舊同袍老負干雲節文駟出峽濤歲寒知自保
終作鶴鳴臯

次韻喜荅葛震甫

平生五湖侶猶未到君家夢想東山下春風幾
度花青燈同歲盡華髻對生涯尚有飛騰意何
論暮景斜

贈蒲州楊生歌

有引

楊生名文昭字震寰磊落男子也精心偉
幹隱於一藝隱然名動諸公卿閒去年秋
爲錢中允受之方計部子玄各造旃檀小
像一區冬日旣戒行矣復爲予解裝留月
餘摹填王瑞像成因贊以詩

楊生目光爛岩電內美精瑩無外銜少衣大布

銅山天井隔村南此地聞添一樹庵歸去松楸
勤汛掃六時彌勒與同龕

伏日盧鄰虛餽餅東謝

輕於霜雪白於紈有客行厨餉玉盤蓐食似聞
傳處急調飢應想畫時難拈來玄子非寒具送
出盧家擬月團料得盈盈煩素手臨風三謝不
能餐

九月廿日送殷夷節東巽之僑孫

憶昨壚頭春雪時眼看芳草是佳期何當白髮
催行李又過黃花對酒卮塞北雁賓驚客久江

南人發見歸遲臨岐悵絕無他語明月青山有
夢思

送劉浚元歸上黨

名永清以貢士廷試中
卷廿四名有疏通貢法

疏得

旨

梁溪去去連滄海盤谷迢迢隱太行龜策豈能
占遇合龍梭何地識行藏清風入戶還同室白
水衡門可異糒其子劉去非前年
恩貢父子同食貧北闕上書非
不達幾時因夢感明王

同江似孫賦呈給諫方石兄

退朝珂散掖梧陰芸閣開簾對夕砧信史丹青

懸諫草籌邊烽火動危簪琴樽未爽幽人約鍾
庾寧傷烈士心經歲但知官醞美愧無飛泳荅
高深

荅江似孫謝遺錦衾

疊用寒字

曾無文綺贈交懽聊爾同稠戀一寒長枕正思
裁十幅高眠儘可擁三竿休嫌吟苦蒙時汗應
笑書痴畫處刊博得新詩酬錦段衙齋傳比練
君看

故衾何意託交懽得其高人寤寐寬不分秋風
破茅屋從教夜雪滿長安空牀獨枕琴三尺遠

札相遺綺一端早晚平津誰與報布衣思庇九州寒

和韻荅葛震甫送行

蹤跡浮雲似臨行計屢非孰知燕客返仍指晉
山微關塞今戎馬江鄉老布衣勞君西北望雨
雪正霏霏

江似孫赴朝鮮毛帥幕府感賦

巢深擬作一枝同駕浪俄乘萬里風俛仰未能
甘澤雉分飛何意隔冥鴻致窮端有屠龍技非
福安知失馬功燕領書生空異域誰人推轂廟

堂中

仲冬同周虞卿葛震甫郭聖胎恒光牧隱
二上人石燈庵話別用三字

都門殘臘忽經三集別圍爐話小庵六載歸程
猶澤潞幾人鄉國竝東南天涯涕淚遙難忍塞
外風沙老詎堪卽日遂良鬚盡白還家彌勒與
同龕

松園浪淘集卷十七

終

松圓浪淘集

嘗甘卷十八

九五十一首

甲子元夕南宿州驛舍嘗甘漫題

洞庭三百憶題械歸客嘗新喜破甘燈節誰將
過淮水遙中吾已到江南營家何用奴千指好
事空須子一函但得幾株垂井畔老年門徑學
蘇耽

姑孰道中見梅花

燕南薊北限春光瞥見江梅劇斷腸花被雪禁
猶黯淡影遭風橫正郎當斜臨官道窺郵騎開

傍旗亭撲酒香纔是玉門關外客莫憑羌笛訴
昏黃

早起東謝一樹庵僧送茶

日高濃睡玉川家時有山僧款乞茶嘗處松風
生破屋摘來仙露滿袈裟清於元亮杯中物香
似維摩散後花能與凡夫消熱渴總然蒼蘂也
輸些

過方若壑家飲家釀卽席賦呈

白頭潦倒乍還鄉里社新知愛老蒼百遍未能
酬好事三杯耶與發清狂枯腸自喜生芒角落

筆人看似堵牆總道他山好攻玉其如觸目盡
琳琅

正月十八日同仲和侯園看梅因期同出
西郭卽事

八年遠客一歸來又見江南雨度梅舊曲偶隨
新侶唱懽顏猶逐故人回
燒燈院落俄殘月遶
樹池亭已半苔更約拏舟同出郭商量嫩蕊莫
齊開

子魚東園看辛夷同叔達兄用杜韻

提壺林鳥解相迎入竹千花一徑明短短天桃

齊帖水亭亭玉樹獨傾城
淡雲淡月生香細非霧
非煙帶雨輕拚取醉歸
沾濕好更呼引滿兩
三行

三月三日雨中又同用前韵

遠歸荒徑少逢迎
日逐花蹊覺眼開
穉事等閒交冷節
醉鄉容易失愁城
風光可但千金值
氣力猶堪兩屐輕
回首長安如夢裏
水邊今有麗人行

和喜雨

湯年雩旱匪牲羊
零雨崇朝已注墻
始信天心

元響答何知帝力可稱量雲興泮泮回枯壤苗
意油油起漲鄉自此樂郊吾更適會看冷銚米
腰長

海鳥晨看一足羊雙隨鳬舄舞雩墻龍公有意
枯鱗濯颺鼠從教滿腹量室罄慮亾青草野土
膏疑占白雲鄉兵塵瀕洞何由洗願挽明河拂
地長

衰年病渴似衰羊駝雨蛟龍欲破墻河伯正難
牛馬辨波臣空計斗升量曾孫萬億千爲稼老
子亾何有是鄉麤飯殘年應飽喫腰鐙從此不

須長

謝公吟客有何牟
靈雨詩篇壓壘墻
渤澥欲傾蠡敢測
汗潢初濫芥堪量
逃禪未出三車宅
取醉唯知一斗鄉
老去腸枯甘飲墨
夜堂虛送鉢聲長

八月十五侯服長邀泛舟觀伎卽事

曉雨長鬚踏徑蓬
載將歌舞款裘翁
不論錦段纏頭貴
但覺金盤放筯空
狂客舉杯邀顧兔
野人移燭看驚鴻
共拚酩酊酬佳節
肯待留懽惱孟公

南城風雨颯中秋
隄柳蘋花繫彩舟
青蒨綠簾西塞侶
白頭紅粉漢陂遊
客無險句驚侯喜
人有新聲賽莫愁
向晚濕雲消破盡
醉教歌舞漫淹留

策策軒看桂花用杜韻

風軒洗盞又相迎
斜日香籠小閣明
每過中秋淹上黨
夢思南陌與東城
禾香蟬熟嫩堪捉
草露蚊消體自輕
醉憶看花逢雨夜
裴回獨遶水廊行

疇管吟

乙丑秋啓陽家叔同舟泊嘉禾送別湖上作

百年菰蘆浪踪跡偶值吾宗話疇昔古云千里
赴一笑今喜五湖同片席垂虹秋深鴨脚黃烟
雨波平魚眼白鱸縷蓴絲碧照盃硯露桂花香
滿幘壘頭二泉飲未乾六橋落日留盤桓意中
不圖洵良會興餘無盡俱清歡故山登高已黃
菊布帆歸時酒應熟草閣明年着孟光燭豆村
西對簷曝

弔繆太質

江上秋風獨繫船空庭宿草淚芊綿紛紛肝膽
留身後皎皎鬚眉在目前青紫不來文有祟朱

黃一失士無權酌君欲作忘情語爲誦南華第二篇

春暮水邊觀伎作

錢塘蘇小性靈文一曲鮐船酒百分燕趙莫矜
顏似玉都門漫詠女如雲燈花疑笑憎眉黛書
草縈爐妬練裙自覺白頭難料理江南三月正
逢君

荆溪訪蔣澤畧作

船入荆溪意豁然羈遊牢落想前賢君初卜宅
仍開徑我正浮家說買田道上向人空短刺懷

中留字欲三年相逢一笑無餘事倚醉猶能畫
墨仙

憶昨東于昭遠

憶昨紅欄綠浪橋畫船相竝晚相邀心傾暗覺
才難敵興慙旋禁酒易消雲脚細浮花濺濺髩
絲輕颺雨蕭蕭何堪獨夜漁舟裏人事經年但
寂寥

和錢受之勸酒

玉色新醪憶共持豈無他友獨君思閒宜白傳
開齋日達似劉伶席地時細雨一簑歸去晚清

風三伏起來遲吟詩相勸殘春後重話馨香合
對誰

再疊前韻和受之失子

良醞今朝且共持無窮身外莫閒思只如南郭
遺形後何異東門失子時思酒但知陶令是消
憂唯恐杜康遲醉鄉一往無多地除却尊前更
詣誰

送侯豫瞻謁選

青春鴛鴦滿朝行烏鳥重闌戀日長南國夏苗
經雨綠東華宮樹向秋黃萱蓼晚曜丹猶渥蘭

露宵凝枕正涼計日晝遊仍觀省綵衣新帶粉
銜香

陳睂公七十贈詩

紉蘭爲佩製荷衿婉變書堂十畝陰一室花香
供妙喜萬閒茅宇庇秋霖山中宰相神仙錄海
上園公綺季心直與冥鴻恣寥廓漫容鷗鳥自
浮沉

蘭亭家叔六十壽詩

蔗境天私意味諧土風清美亦相參梁家舊事
聞橋外阮氏新居指巷南荆院有花爭讓果蘭

階森玉待分甘水村山郭梅偏早晴昊筇枝已
健探

秋老高雲漫出山悠然心遠卽投閒偶來綠浪
紅橋地如在青松白屋閒便有神仙隱屢肆更
無城府設機關玉壺春酒桃花色何必丹砂可
駐顏

伏日醉歸作歌東鄒靜長學憲

旅食三年傍閭閻酒肉朱門自騰沓襦生懷中
刺亦無泄柳門前漫不荅歸來燒松搗烏玉蒼
壁玄珪綴短褐遠求寂寞叩賞音還泛荆溪向

清雪抵珠投壁人未知落落高閣走難合道鄉
使君真可人倒屣歡迎小島匿拭硯青雲起書
案蔭樹涼風掃賓榻琅玕玕李熨玉齒鑿落冰
漿寫銀榼小戶從教罄涓滴細故寧容置肩睫
自嗤不爲尚書期也學窮賔逃後閣

贈汪幼清催妝詩

海上春還淑氣賒關關鳴鳥在河沙乘龍早入
翹賢館捧雁先登擇壻車吟捷促教鸞扇却中
奇爭向雀屏誇隣翁爲問新人案更比雙蛾幾
寸加

秋日同叔達過侯氏郊居

芙蓉歲歲老江干重過花蹊憶故歡
邀艇樵風生鶴渚到門秋水落漁竿
幽人茅屋穿藂桂狎客芳尊襲紫蘭
還往倒衣兼岍憤不教童稚識衣冠

新堂落成詩

君家新築帶江干
考室還宜誦考槃
溪上雲開看放鶴
庭前樹合待棲鸞
滄洲滿壁浮家穩
風雨如山比屢安
不厭清狂過百遍
老農今欲罄交懽

送侯服長之南京東國子先生韓孟郁

白門朱桁舊臺城
桂檝荷衣入帝京
講座文儒淹虎觀
辟雖鐘漏近鷄鳴
潛夫此去傾縫掖
豪士由來願識荆
正值聖朝登俊日
不勞韓愈解諸生

訪丹陽劉心老

翩翩黃鳥自相求
芳草萋萋怨旅遊
八月秋風動茅屋
十年歸夢落漁舟
門臨海氣潮先應
郭帶江楓葉漸流
甃鱗陶家楊柳樹
片程閒與白雲留

題畫與歌伎

花颺遊絲日氣深
月寒風殿磬沉沉
不知燭下嬌多少
縱是枯禪損道心

和荅李沮脩九日山中見懷

人世重陽節皆言不可虛
登臨追屈左山水屬
黍餘有客空憐孟無家
欲耦沮茆萸雖自揄搔
首眇愁予

送李沮脩遊越中次韻

山陰與剡曲寧似向人間
遙想雲門會奇探禹
穴山他鄉同別酒今夕復
離顏歲晏新知恆誰

云興盡還

弔程相如宗兄

藁塋揚州

據鞍壯志奮壺頭老去心憐馬少游
出處豈堪論伯仲立談直可致封侯
寒鴉古木將軍第螢火蒼煙帝子樓
二十四橋俱泯滅月明何處弔荒坵

方季康五十贈詩

帝京一上官情疎道氣仙風洵有餘
喬木故山從放鶴長江舊畝罷租魚
家傳中令三朝笏架棟炎農百草書
久識清真同逸少不知老至欲

何如

送黃像之北遊

黃金臺下去歲晏草駸駸官道如弦直君門似
海深應懷貧士養須挹古人心老負悲歌志悠
悠念子衿

徐羽鼎邀泛舟秦淮卽事

新知文酒雄載客買鉛紅桃葉秋潮上長干明
月中城霞漾餘綺橋晚臥垂虹秉燭燴光際樓
臺笑語風

十三夜姚允初丈邀同比玉聖胎園池泛

舟即事同用支字韻三首

閣敞入華池庭陰納晚颺行杯松月引解帶蕙
風吹脫略皆心好輕狂托故知清音在山水賞
會已成詩

卜夜深杯慙迎風小艇宜人煙分杳靄水木自
逶迤吹笛行雲去傾壺下漏遲山公日醉客自
占習家池

醉客出花時忘歸步月墀接羅從倒却綦鳥亦
差池興集神俱洽歡終意自疑何當托鄰宇風
月不須期

啓陽家叔七十初度寄詩爲賀

星河故國動涼風
林下香生古桂叢
浮蟻乍窳
菰米粒長鯨
初吸碧荷筒
傀儡玉倒看
松健擺
徑珠垂喜慶
豐若訪五朝遺老
在尚賢應不貴三公

補賦方平陸姨丈七十詩

桂花八月發新醪
咽咽辛香滴小槽
魚出水精
催作鱸蟻浮碧玉
勸持螯家緣德曜人
偏敬里
近高陽客最豪
莫憎中山千日醉
太平風物信難遭

九日病中書懷

去歲茱萸高會節僧寮茶罷却先回
重扶古寺秋風策同上孤壚落日臺
伏枕屢經中夜起離帆俄復遲
開青溪時有吳門榜安得心知入
眼來

方母孤燕詩

堂北巢貞燕年年不識春于飛長絕
伉獨立自離倫偏傍孤生竹還宜一
節筠俄從鸞影化微物乃如神

九月廿六日汪善卷邀泛舟卽事

放鷁中流激瀨生金壺斜隱夕陽明人看郭泰
還同載客比汪倫倍有情白鳥自翻蒼靄去瑤
林如暎玉山行居然物外何蕭爽咫尺江湖在
帝京

十月十日汪九臆哉宅中聞歌作

送客留髡飲正快江城清夜月如鎌雙栖海燕
巢金屋十月流鶯隔畫簾香澤微聞塵裊裊星
河欲墜漏厭厭老夫忽憶西園事衫袖龍鐘已
半淹

風雪行東姚允初丈

十月秦淮纔及鄴一夜雲濤兩涯溢仲冬北風
雪怒號長干擁戶無行跡野罾漁屋入微茫
中水墨王摩詰踟躕欲貰暖寒杯黃公酒壚寒
未開朱門此時特相念長鬚又遣傳樽壘故人
衝泥相爲來傾壺剪燭同喧阗醉論交契晚誰
似如公古人何有哉歲華適盡雪霜逼遊子曰
歸歸未得中宵念之神悄然感公高義生顏色
豈獨風雪安如山足令寒士皆懽顏明年春水
買輕舫來就臯廡千萬間

送陳効彬

黃州府察

幕府遙趨日有程
柳條殘雪綴離情
帆開建業三山出
潮上潯陽九派生
郡是黃岡多竹地
官依淥水泛蓮清
管賢詞筆風流在
莫惜公餘載酒行

贈鄧彰甫

鄧生筆跡細無垠
漢代宜官豈後身
揚子玄成都尚白
佛家虛合衆微塵
千言方寸猶非匹
八法尋常已逼真
若使惠施同此技
五車端可自書紳

贈吳隱君

土室類蝸牛山扉花竹幽陰符拋篋底周易露
牀頭白社來閒客青門隱故侯惟餘數枝菊酌
水可淹留